

明紅絲
欄鈔本

百
家
詞



白雲詞目錄

水龍吟

西江月

望海潮

水龍吟

沁園春

西江月

望海潮

木蘭花慢
三首

百字謠
三首

望海潮
二首

西江月
五首

慶春宮

水調歌頭

沁園春

歸朝懽

望海潮

水龍吟

醉春風

水調歌頭

四首

惜餘春慢

浣溪沙

西江月

蝶戀花

浣溪沙

木蘭花慢

清平樂十一首

醉春風

玉蝴蝶

千秋歲引

玉蝴蝶

木蘭花慢

西江月

水龍吟

望遠行

滿江紅

惜餘春

憶秦娥

踏莎行

一剪梅

鷓鴣天

踏莎行

白雪詞目錄終

白雪詞

三山陳

德武

水龍吟

西湖懷古

東南第一名州西湖自古多佳麗臨堤臺榭画船樓閣遊人歌吹十里荷花三秋桂子四山晴翠使百年

南渡一時豪傑都忘却平生志
可惜天旋時異籍何人雪當年耻
登臨形勝感傷今
古發揮英氣力士推山天吳移水作農桑地借錢塘
潮汐為君洗盡岳將軍淚

西江月

漳州丹霞驛

山拱羅城四面柳營橫接江東十年前事影隨風今
日宛如春夢
天下幾多郵驛人生到處飄蓬
丹霞樓上再相逢橫
笛為君三弄

望海潮

錢塘懷古

隴山西峙淞江東
遊誰餘一箭臨衝
鳳舞龍飛地靈人
傑當年樹此勲庸
強弩萬夫雄令馮
夷退舍海若潛鋒
擁石成隄百川約
束障西東

至今人物蕃豐仰
功陽山立德潤川
容樂極西湖愁多
南渡侘都似夢魂
空感古恨無窮嘆
表忠無觀古墓誰
封棹艤錢塘濁醪
和淚灑秋風

水龍吟

十月廿三日阻雨
住長樂興寧驛館
舍寂甚偶見窓外
桃花數朶遂成此
調以寓意

馬

驛樓歲暮蕭條小
桃何事迎人笑無
吉如訴命睽王毋
信沉青鳥壓瘦繁
霜脂銷零雨夢寒
清曉自劉郎

去後天台路隔知辜負春多少

今日玉驄來到喜相逢
菱花孤照清幽誰伴黃花告
謝芙蓉云老早趁東風移根換葉脫身池沼卜佳期
前度琴心一曲作相思調

沁園春

舟中夜雨

冬夜如年客枕無眠怎到天明待數殘二十五寒更
點聽餘一百八曉鐘聲雨脚敲蓬灘頭激纜總與離
人訴不平偏聞得我浚深恨海砌起愁城問君何
事牽縈想最苦人間是別情念千山萬水沉魚阻鴈
一身兩地燭燕煎鶯繡枕痕多錦衾香冷意有巫山
夢不成怎撇下這兩字相思萬里虛名

西江月

冬至

時序去如流矢人生宛似飛蓬石灣江上又逢冬且
喜一陽初動
但見堪輿杳杳更連山水重重淒涼雲物雨濛濛帷
足睡中歸夢

望海潮

拱日亭

山崖海角天高地厚長安舉首何妨萬水朝宗衆星
環極平生此志無忘亭上一翱翔見烟收霧斂鳳翥
龍翔海色滄涼金烏拍翅上扶桑

遙瞻咫尺清光物無遐不燭有隱皆彰發鄙心勞之

官路遠篙師又促歸航不敢徜徉抱梧桐綺實葵藿
心腸假我雙翰一朝飛上五雲鄉

木蘭花慢

寄桂林通判葉夷仲

自淮陽別後一回首又窮年嘆蓬逐旋颺葉隨流水
星散維垣南來忽聞歸興豈蒼天故意要儲賢雲慢
凌司馬賦風偏動李膺船

梅窓夜月見脩妍駿轡憶連錢命画檣溪流籃輿山
郭囊錦詩篇休辭歲寒遠道對松篁莫憫寂寥邊塵
榻誰為我下酒盃惟待君傳

再用前韻

對江雲日暮又那更夜如年見霜滿晴空山嶺星斗

月掛城垣知心故人間阻幾何時樽酒會多賢冷落
巴山夜雨淒涼剡水寒船

孱客羞睹鏡中妍遠水與夫連煙夢有餘甜酒無好
味詩不成篇刀圭解坐毛羽向晨風飛傍綠雲邊報
道東君到也一枝春信先傳

三用前韻

一春堪又盡問何日是歸年望五嶺重關九嶷疊翠
滿目藩垣蒼梧幾時艤棹許論文高議仰英賢夜立
殘花影月朝昞盡柳陰船

天台山水世間妍天姥赤城連好收拾蘭茝白雲深
處詠卜居篇重尋舊遊鶯燕恐無心待鴈夕陽邊聲
跡今猶密迹蠻牋莫厭頻傳

望海潮

清明詠懷

三分春色十分官事令人辜負芳菲歌燕簪鶯語花
舞柳園林好處誰知還憶舊時對海棠駐馬紅藥
題詩一別東君回顧又是隔天期
相思遠在天涯鎮海填恨臆山鎖愁眉杜宇能言鷓
鴒有淚慢勞胡蝶于飛景與少年宜把榆分新火香
透羅衣風月常存雙魚報道早歸來

百字謠

詠惜花春起早

惜花心事不由人胡蝶夢魂先覺剛納繡鞋行掠髮
仰見斗橫林杪昨日深紅今朝輕白顏色殊昏曉此

中滋味料他塵世知少

問二十四番風寒梅并絳棟始終俱好須看未開開
又謝多少落英顛倒綵綴隋園鹿遊唐苑哀樂無憑
禱此音誰聽倚闌猶把琴抱

又詠愛月夜眠遲

古今明月魄生明後積漸圓還缺秋鮮傷神春最好
衾枕幾番鋪設十二瑤臺千金一刻橫竹休吹徹繡
簾高揭戒他莫把燈藝

夜久誰共嬋娟掩孤幃睡去此情尤切夢駕綵鸞何
處覓飛上玉樓瓊闕舞按霓裳歌揚紅豆高處風光
別鳥聲驚覺衝冠愁豎吾髮

前調

詠掬水月在手

晚臨相浦憶鮫人曾許淚珠綃帕盥掬空明和月待
宮鎖水晶深夜躍壁初圓浮金不定敵眼寒光射水
心龍鏡喜來翻不成把
最恨對面姮娥舞霓裳掌上

前調

弄花香滿衣

望海潮二調

寄別潯郡曾教諭子振李訓道宗深

南官一載西流萬里離懷孰不傷情富貴邯鄲雨雲
巫峽回頭一夢空驚誰辱又誰榮問昔時道德今日
功名楚水吳山向來多少送和迎

長安古道長亭嘆馬蹄不駐車轍難停薇老首陽芝
深商穀時遙霧擁雲平此意已羞評但金絨白雪錦
佩青萍採竹崑崙有時吹作鳳凰鳴

其二

祖觴東館移舟南渡江天雲樹離離盤谷漁樵舞雩
風詠渴心常望雲霓知與故人齊念翼殘猶鍛足蹶
還羈百折江流峽獮水鳥助孤棲

幾回夢遶山西耐踈蓬夜雨警枕晨鷄對無聲詩哦
有聲画儀形已見端倪回首暮雲迷又桐飛金井燕
落烏衣有意相思雙鱗秉羽莫教遲

西江月

題洞簫亭

鳳舞漢陽月麗龍吟漢水渡飛行雲何事駐天涯橫
玉危欄四倚

問岳陽三度後看塵世幾番綦鶴郡何處未歸來音繫
冷落吳頭楚尾

西江月

詠雪三調

為問雲間滕六天工何事依違冬前三白不時為今
日駕言春瑞

瘦損窮彭澤柳禁持殺傳岩梅仁風友掌齊天威都
做一江流水

其二

踈散履穿東郭流離馬沒監關瓜洲誰問卧素安孤

負新年月半

鍊甕成銀甕出金山做玉山看無如兒女不知寒氷
筋掌中爭玩

其三

壓雪江山亦老迎春草木俱新雪消春去逐飛輪誰
識靜中機運

濁濁壩頭泥土攘攘市上風塵為何不住往來人都
被利名淘盡

其四

詠雲

有信江頭春色無憑天上浮雲白衣蒼柏又何頻豈
是隨風情性